

Službeni glasnik BiH, broj 76/09

Na osnovu člana 61. stav 2. Zakona o upravi ("Službeni glasnik BiH", broj 32/02), člana 30. Zakona o administrativnim taksama ("Službeni glasnik BiH", broj 16/02), Pravilnika o cijeni dokumenata za registraciju vozila i naknadi za korištenje registarskih tablica broj 01-02-2-3147/09 od 18. septembra 2009. godine, a u skladu sa zaključcima Vijeća ministara BiH broj 05-07-2842-37/09 od 15. septembra 2009. godine usvojenim na 98. sjednici Vijeća ministara BiH održanoj 14. septembra 2009. godine, ministar Ministarstva finansija i trezora BiH donosi

NAREDBU

O UPLATNOM RAČUNU ZA UPLATU CIJENE DOKUMENATA ZA REGISTRACIJU VOZILA I NAKNADI ZA KORIŠTENJE REGISTARSKIH TABLICA

I.

Ovom Naredbom propisuje se način uplate cijene dokumenata za registraciju vozila i naknadi za korištenje registarskih tablica propisanih Pravilnikom o cijeni dokumenata za registraciju vozila i naknadi za korištenje registarskih tablica broj 01-02-2-3147/09 od 18.09.2009. godine.

II.

Uplatni račun iz tačke I ove Naredbe pripada Jedinostvenom računu trezora (JRT) koji je otvoren kod Unicredit Bank pod nazivom JRT Trezor BiH - Takse, broj 3380002210018390.

III.

1. Vrsta prihoda iz tačke I ove Naredbe je: Vrsta prihoda

1.1. Potvrda o vlasništvu vozila 722141

1.2. Potvrda o registraciji 722142

1.3. Stiker naljepnica 722143

1.4. Registarske tablice sa međunarodnom oznakom BiH za motorna vozila 722144

1.5. Registarske tablice sa međunarodnom oznakom BiH za priključna vozila i motocikle i bicikle sa motorom 722145

- 1.6. Registarske tablice za vozila diplomatskih i konzularnih predstavništava u BiH 722146
- 1.7. Registarske tablice za privremeno registrovana vozila sa međunarodnom oznakom BiH 722147
- 1.8. Probne tablice sa međunarodnom oznakom BiH 722148
- 1.9. Za izgubljene, uništene i nestale tablice za par 722149
- 1.10. Za izgubljene, uništene i nestale tablice za priključna vozila, motocikle i bicikle sa motorom, za jedan komad 722150

IV.

Polja koja se odnose na uplate javnih prihoda moraju biti popunjena na slijedeći način:

1. Polje: Broj poreznog obaveznika-treba da sadrži jedinstveni matični broj građanina, ukoliko uplatu vrši fizičko lice, ili trinaestocifreni identifikacioni broj pravnog lica, ukoliko uplatu vrši pravno lice,
2. Polje: Vrsta uplate-za svaku uplatu treba biti "0",
3. Polje: Vrsta prihoda-obavezno mora biti popunjeno sa jednom od navedenih vrsta prihoda,
4. Polje: Općina-treba da sadrži šifru općine prebivališta-sjedišta uplatioca,
5. Polje: Porezni period-treba da odgovara datumu uplate,
6. Polje: Budžetska organizacija - popuniti brojevima "0709999",
7. Polje: Poziv na broj-popuniti brojevima "0".

V.

Ova Naredba stupa na snagu danom donošenja, a objavit će se u "Službenom glasniku BiH", službenim glasilima entiteta i Brčko Distrikta Bosne i Hercegovine.

Broj 6092-2/09
18. septembra 2009. godine
Sarajevo

Ministar
Dragan Vrankić, s. r.

